

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Broj: 01-04-623 /21

Datum: 04.03.2021 . godine

## **P R A V I L N I K**

### **o uslovima i načinu ostvarivanja prava za podsticaj proizvodnje svježeg mlijeka u 2021. godini**

#### **Član 1.**

*Pravilnikom o uslovima i načinu ostvarivanja prava za podsticaj proizvodnje svježeg mlijeka u 2021. godini (u daljem tekstu Pravilnik) utvrđuju se uslovi i način ostvarivanja prava za podsticaj proizvodnje svježeg mlijeka u 2021. godini, poljoprivrednim proizvođačima sa područja općine Banovići.*

#### **Član 2.**

*Sredstva za ovu namjenu predviđena su u Budžetu Općine Banovići za 2021. godinu, pozicija "Podsticaj poljoprivrednoj proizvodnji", ekonomski kod: 614 515.*

#### **Član 3.**

*Pravo na podsticaj **proizvodnje svježeg mlijeka u 2021. godini** po ovom Pravilniku imaju fizička lica nosioci poljoprivrednih gazdinstava (aplikant) koji ispunjava kriterije:*

- *imaju prebivalište na području općine Banovići,*
- *upisani su Registar poljoprivrednih gazdinstava i Registar klijenata u općini Banovići kao nosioci gazdinstva,*
- *obavili su ažuriranje podataka u 2021. godini do predviđenog roka po Pravilniku o upisu u Registar poljoprivrednih gospodarstva/gazdinstava i Registar klijenata („Službene novine F BiH“ broj: 42/08), (do 31.03.2021. godine),*
- *posjeduju kopije pasoša životinja u skladu sa Pravilnikom o obilježavanju goveda,*

- bave se proizvodnjom mlijeka na području općine Banovići, a isti su u 2021. godini ovlaštenom otkupljivaču isporučivali mlijeko, što dokazuju potpisanim Ugovorima sa ovlaštenim otkupljivačem svježeg mlijeka,
- dostave na Javni poziv potvrde od ovlaštenog otkupljivača o predatim količinama svježeg kravljeg mlijeka, po kvartalima,
- dostave prijave na Javni poziv do roka predviđenim ovim Pravilnikom.

#### **Član 4.**

Općinski načelnik će raspisati Javni poziv koji traje do 20.12.2021. godine. u kome će biti definisani rokovi za predaju prijave po kvartalima.

- **za I kvartal** (Januar, Februar, Mart) 2021. godine. do **15.04.2021. godine**
- **za II kvartal** (April, Maj, Juni) 2021. godine. do **15.07.2021. godine,**
- **za III kvartal** (Juli, Avgust, Septembar) 2021. godine. do **15.10.2021. godine,**
- **za IV kvartal** (Oktobar, Novembar, Decembar) 2021. godine do **20.12.2021. godine.**

#### **Član 5.**

Visina novčanog podsticaja iznosi **0,1KM po litri** predatog mlijeka ovlaštenom otkupljivaču.

#### **Član 6.**

Popunjeni prijavni obrazac u predviđenom roku po raspisanom Javnom pozivu od strane općinskog načelnika, podnosi se na prijemnu kancelariju Općine Banovići, putem Službe za opću upravu, BiZ i socijalna pitanja

Uz popunjeni prijavni obrazac aplikant dostavlja sledeću dokumentaciju:

- **Ovjerene kopije pasoša životinja u skladu sa Pravilnikom o obilježavanju goveda,**
- **ovjerenu kopiju Ugovora sa ovlaštenim otkupljivačem svježeg mlijeka,**
- **potvrdu od ovlaštenog otkupljivača o predatim količinama svježeg kravljeg mlijeka.**

Dostavljeni prijavni obrazac prosljeđuje se Službi za privredu, planiranje i lokalni razvoj. Nakon prijema i obrade zahtjeva Služba za privredu, planiranje i lokalni razvoj je dužna da u roku od 10 dana od dana prijema zahtjeva, pregleda pristigle zahtjeve, te za one aplikante koji ispunjavaju uslove Javnog poziva predloži općinskom načelniku prijedlog aplikanta za isplatu i visnu novčanih sredstava po aplikantu

## **Član 7.**

*Preliminirane liste aplikanta koji su ostvarili pravo za podsticaj proizvodnje svježeg mlijeka u 2021. godini, po kvartalima bit će objavljena na web stranici općine Banovići i oglasnoj ploči.*

*Rok za podnošenje prigovora na preliminirane liste aplikanta koji su ostvarili pravo na dodjelu sredstva je osam (8) dana, od dana objave preliminarnih listi na zvaničnoj web stranici općine Banovići.*

*Nakon rješavanja prigovora objavit će se konačna rang lista za svaki kvartal za podsticaj proizvodnje svježeg mlijeka u 2021. godini, na web stranici općine Banovići i oglasnoj ploči.*

## **Član 8.**

*Pravilnik stupa na snagu danom donošenja, a objavit će se u Službenom glasniku općine Banovići, zvaničnoj web stranici općine Banovići.*

## **Član 9.**

*Nakon usvajanja Pravilnika od strane Općinskog načelnika, Služba za privredu, planiranje i lokalni razvoj će u saradnji sa sredstvima javnog informisanja, obavijestiti proizvođače mlijeka sa područja općine Banovići o podsticajnim mjerama i kriterijima koji moraju biti ispunjeni da bi podsticajna sredstva bila odobrena.*



## **Obrazloženje Pravilnika**

*Pravilnikom o utrošku sredstava iz Budžeta općine Banovići za podsticaje u poljoprivredi "Podsticaj poljoprivrednoj proizvodnji", općina Banovići nastoji intenzivnije razviti proizvodnju svježeg mlijeka kako bi poljoprivredni proizvođači koji se bave proizvodnjom svježeg mlijeka proizveli veće količine mlijeka za potrebe tržišta, te na taj način obezbijediti egzistenciju sebi i svojoj porodici.*

*Pored ovog cilja postoje i drugi specifični ciljevi Pravilnika, a to su:*

- ekonomsko jačanje porodičnih gazdinstava,*
- uključivanje novih proizvođača svježeg mlijeka u organizovanu proizvodnju,*
- osposobljavanje tržišno orjentisanih proizvođača svježeg mlijeka,*
- intenziviranje postojeće poljoprivredne proizvodnje,*
- značajnije korištenje poljoprivrednog zemljišta i drugih raspoloživih resursa,*
- mogućnost samozapošljavanja u poljoprivredi.*

*Članom 26. Zakona o poljoprivredi ("Službene novine FBiH", broj: 88/07, 04/10, 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Banovići za 2021. godinu odobreno 200.000,00 KM za "Podsticaj poljoprivrednoj proizvodnji" od čega općina Banovići planira u 2021. godini utrošiti iznos od oko 50.000,00 KM za podsticaj proizvodnje svježeg mlijeka, što predstavlja izdvajanje iz Budžeta Općine za podsticaj poljoprivrednoj proizvodnji na području općine Banovići.*

*Pravilnik o utrošku sredstava iz Budžeta Općine Banovići za podsticaje u poljoprivredi "Podsticaj poljoprivrednoj proizvodnji" podrazumijeva jednokratne isplate po kvartalima za stimulisanje proizvođača mlijeka koji su u 2021. godini putem ovlaštenog otkupljivača mlijeka u skladu sa potpisanim ugovorima o isporuci mlijeka, na svojim poljoprivrednim gazdinstvima proizveli i ovlaštenom otkupljivaču isporučili mlijeko.*

*Pri izradi Pravilnika za 2021. godinu uvažavali su se slijedeći parametri:*

- resursne mogućnosti općine Banovići,*
- kontinuitet podsticajnih mjera i iskustva u realizaciji novčanih podsticaja,*
- Strategija razvoja općine Banovići 2017-2027. godina*
- analiza Pravilnika o načinu i uslovima ostvarenja novčane podrške po modelu podsticaja proizvodnji („Službene novine F BiH", broj: 32/17, 55/17, 56/18),*
- analiza Pravilnika o ostvarivanju novčanih podrški po modelu podrške proizvodnji („Službene novine TK", broj: 11/14, 14/14, 14/15, 12/16 13/16, 17/17,15/18))*

- analiza Pravilnika o ostvarivanju novčanih podrški po modelu kapitalnih ulaganja („Službene novine TK“, broj: 11/14, 14/15,)
- analiza Programa novčanih podrški u poljoprivredi i ruralnom razvoju Vlade Tuzlanskog kantona kantona za 2019. godinu („Službene novine TK“, broj: 8/19), izmjene i dopune Programa novčanih podrški u poljoprivredi i ruralnom razvoju Vlade Tuzlanskog kantona kantona u 2019. godinu („Službene novine TK“, broj: 12/19)
- sugestije poljoprivrednih proizvođača mlijeka sa područja općine Banovići,
- iznos odobrenih sredstava u Budžetu općine Banovići,
- i drugi parametri.

Na osnovu navedenih parametara sačinjen je Pravilnik o utrošku sredstava iz Budžeta Općine Banovići za "Podsticaj poljoprivrednoj proizvodnji".